

## **U.1. Wadalelwani umuntu na?**

I. Umuntu wadalelwani ukudumisa uNkulunkulu<sup>a</sup> lokuthokoza kuye njalo njalo<sup>b</sup>.

a 1 Kor.10: 31 Ngakho-ke loba lisidla, loba liphuza, lisebenzani, konke kwenzelwe udumo lukaNkulunkulu.

b Hubo 73: 25-28 Ngilobani ezulwini ngaphandle kwakho? Kakukho engikufisayo emhlabeni ngaphandle kwakho. Inyama yami lenhliziyo yami kuyaphela, kodwa uNkulunkulu ungamandla enhliziyo yami lesabelo sami kuze kube nininini.

## **U.2. Yisiphi isimiso uNkulunkulu asinike sona esoku-qondisa kukho ukumdumisa lokuthokoza kuye?**

1. Ilizwi likaNkulunkulu elisemibhalweni yeThestamente elidala lelitsha<sup>c</sup>, yiso kuphela isimiso esiqondisayo endleleni yokumdumisa lokuthokoza kuye<sup>d</sup>.

c Efe. 2: 20 Lakhwi phezu kwesisekelo sabaPostoli labaProfethi, uKristu Jesu uqobo Iwakhe eyilitshe legumbi.

2 Tim. 3: 16 Yonke imibhalo iphefumulelw nguNkulunkulu ilungele ukufundisa, lokusola, lokuqondisa, lokulaya ekulungeni.

d 1 Joha. 1: 3 lokho esikubonileyo sasesikuzwa, silitshumayeza khona, ukuze lani libe lokuhlanganyela lathi; ngeqiniso le inhlanganyelo eyethu ikanye loYise njalo kanye leNdodana yakhe uJesu Kristu. v. 4.

## **U.3. Isifundisani imibhalo okuqakathekileyo na?**

I. Imibhalo ifundisa lokho okufanele umuntu akukholwe ngoNkulunkulu njalo lomsebenzi uNkulunkulu awufunayo emuntwini<sup>e</sup>.

e 2 Tim. 1: 13 Isibonelo samazwi aphilayo kasibe ilawo owawezwa kimi ngokukholwa langothando lukaKristu Jesu. 2 Tim. 3:16.

## **U.4. Uyini uNkulunkulu?**

I. UNkulunkulu unguMoya, <sup>f</sup>kalasiphelo, <sup>g</sup>uliphakade, <sup>h</sup>kapphenduki, <sup>i</sup>kubukhona bakhe, <sup>k</sup>lekuhlakanipheni <sup>l</sup>emandleni <sup>m</sup>ebungcweleni, <sup>n</sup>emthethweni, ekulungeni njalo leqinisweni.

- f* Jobe 11: 7 Ungayithola imfihlakalo kaNkulunkulu na? Ungamfumana uSomandla kuze kube sekupheleni kwakhe na?
- g* Jobe 11: 8, 9.
- h* Hubo 90: 2 Kusukela ekuqaleni kuze kube phakade, uNkulunkulu ukhona.
- i* Jak. 1: 17 KuYise wokukhanya okungekho kuye ukuguquka lasithunzi sokuphenduka.  
Eks. 3: 14 UNkulunkulu wasesithi kuMozisi: NGINGUYE ENGINGUYE. Wathi futhi: Uzakutsho njalo kubantwana bakoIsrayeli ukuthi: UNGINGUYE ungingithumile kini.
- k* Hubo 147: 5 INkosi yethu inkulu, makhulu amandla ayo, ukuqonda kwayo akulakulinganiswa.
- l* Isam. 4: 8 Ingewe! Ingewe! Ingewe! INkosi uNkulunkulu, umnininimandla onke owayekhona lokhona, lozayo.
- m* Isam. 15: 4 Ngubani ongayikwesaba, iNkosi, adumise ibizo lakho na? Ngokuba wena wedwa ungcwele.
- n* Eks. 34: 6 NguJehova! NguJehova! NguNkulunkulu ongcwele olesihawu olomusa ophuza ukuthukuthela, lovame ubunene leqiniso. v. 7 Ogcinela abayizizukulwana umusa, othethelela ububi leziphambeko lezono, ongayikumyekela olecalala.

## **U.5. Bangaki oNkulunkulu na?**

- I. Ukhona munye kuphela, <sup>p</sup>uNkulunkulu ophilayo njalo oweqiniso.<sup>q</sup>
- p* Dute. 6: 4 Zwana Israeli: UJehova uNkulunkulu wethu, uJehova munye.
- q* Jer. 10: 10 Kanti uJehova munye, unguNkulunkulu weqiniso, unguNkulunkulu ophilayo leNkosi yaphakade.

## **U.6. Zingaki iziqu zikaNkulunkulu na?**

- I. Iziyu zikaNkulunkulu zintathu. UYise, leNdodana, lo-Moya oyiNgcwele. <sup>r</sup>Lezi zontathu zinguNkulunkulu. Zilingana ngamandla langodumo.<sup>s</sup>
- r* Mat. 28: 19 Ngalokho hambani lifundise izizwe zonke libabhaphathize egameni likaYise, leleNdodana lelikoMoya oyiNgcwele.
- s* 1 Joha. 5: 7 Ngokuba bathathu abafakaza ezulwini, uYise, uLizwi loMoya oyiNgcwele. Laba bobathathu bamunye.

## **U.7. Ziyini izimiso zikaNkulunkulu?**

I. Izimiso zikaNkulunkulu zilicebo lakhe elingelasiphetho, ngokwecebo lentando yakhe, okungayo, ngokodumo lwakhe uqobo, umisile ngaphambili loba kuyini okwenzakalayo.<sup>t</sup>

<sup>t</sup> Efe. 1: 4 Esakumiselwa ngaphambili ngokwesimiso salowo osebenza izinto zonke ngokuquma kwentando yakhe. v. 12 Ukuze sibe lodumo lwenkazimulo yakhe.

Efe. 1: 11 Roma. 9: 22, 23.

## **U.8. UNkulunkulu uzisebenzisa njani na izimiso zakhe?**

I. UNkulunkulu izimiso zakhe uzisebenzisa emisebenzini yokudala, <sup>u</sup>lokongamela zonke izinto.<sup>w</sup>

<sup>u</sup> Hubo 4: 11 Ngokuba nguwe owadala izinto zonke langenxa yentando yakho zabakhona, zadalwa.

<sup>w</sup> Dan. 4: 35 Wenza njengentando yakhe empini yasezulwini laphakathi kwabakhileyo emhlabeni.

## **U.9. Kuyini umsebenzi wokudala?**

I. Umsebenzi wokudala yikuba uNkulunkulu wenza zonke izinto emayeni <sup>x</sup>ezenza ngamandla <sup>y</sup>elizwi lakhe ngensuku eziyisithupha, zonke izinto zabazinhle kakhulu.<sup>z</sup>

<sup>x</sup> Gen. 1: 1 Ekuqaleni uNkulunkulu wadala izulu lomhlaba.

<sup>y</sup> Heb.11: 3 Ngokukholwa siqonda ukuthi ilizwe lonke ladatshulwa ngelizwi likaNkulunkulu ukuze kuthi okubonwayo akuvelanga ngokubonakalayo.

<sup>z</sup> Gen. 1: 31 UNkulunkulu wabona konke akwenzileyo, bheka kwaku-kuhle konke kwabayikuhlwa kwaba yikusa kthesithupha.

## **U.10. UNkulunkulu wamdala njani umuntu na?**

I. UNkulunkulu wamdala umuntu wesilisa lowesifazana ngomfanekiso wakhe, <sup>a</sup>elwazini, ekulungeni njalo lebungcweleni, <sup>b</sup>belobukhosiphezu kwazo zonke izidalwa.<sup>c</sup>

<sup>a</sup> Gen. 1: 27 UNkulunkulu wamdala umuntu ngomfanekiso wakhe, wamdala ngomfanekiso wakhe wadala owesifazana lowesilisa. v. 26.

<sup>b</sup> Kol. 3: 10 Lembethe umuntu omutsha owenziwa kutsha abelokwazi

ngomfanekiso walowo omdalayo.

Efe. 4: 24 Lembethe umuntu omutsha owadalwa ngokukaNkulunkulu ekulungeni lasebungcweleni beginiso.

- c Gen. 1: 28 UNkulunkulu wababusisa, uNkulunkulu wathi kubo: Zalani lande ligcwaliise umhlaba liwunqobe, libuse phezu kwezinhlanzi zolwandle lezinyoni zezulu lezilwanyana ezinwabuzelayo emhlabeni.

## **U.11. Iyini imisebenzi kaNkulunkulu yokongamela izinto zonke?**

1. Imisebenzi kaNkulunkulu yokongamela izinto zonke, yikulawula ngobungcwele, <sup>d</sup>ngokuhlakanipha, <sup>e</sup>langamandla okulondoloza, <sup>f</sup>njalo ezibusa zonke izidalwa zakhe lezenzo zazo.<sup>g</sup>

d Hubo 145: 17 UJehova ulungile ezindleleni zakhe zonke, ulomusa emisebenzini yakhe yonke. Hubo 104: 23.

e Isa 28: 29 Ngalokho ukuvela kuJehova wamabandla oyisimangaliso ekwelulekeni lomkhulu ewenzeni.

f Heb. 1: 3 Egcina konke ngelizwi lamandla akhe.

Hubo 103: 19 Kuthi umbuso wakhe ubuse phezu kwakho konke.

g Mat. 10: 29 Akuthengwa yini imizwilili emibili ngepeni na? Akuyikuwa phansi lomunye kuyo engazi uYihlo wenu. Mat. 10: 30, 31.

## **U.12. Yisiphi isenzo sikaNkulunkulu esikhethekileyo esokongamela asisebenzisa kumuntu ekumenzeni kwakhe?**

I. UNkulunkulu esemenzile umuntu wangena esivume-lwaneni sempilo laye, nxa emlalela ngokupheleleyo, <sup>h</sup>emenqabela ukudla isihlahla sokwazi okuhle lokubi, ukuze angafi.<sup>i</sup>

h Gal. 3: 12 Khepha umthetho asiwokukholwa kodwa umuntu ozenzayo lezintso uzaphila ngazo.

i Gen. 2: 17 Kodwa umuthi wokwazi okulungileyo lokungalunganga ungawudli, ngokuba msukwana uwudlayo uzakufa lokufa.

## **U.13. Yikuthi abazali bethu bakuqala baqhube ka bekuso isimo abadalwa babayiso sona na?**

I. Abazali bethu bakuqala, ngenxa yokuba bekuyo inkuleko yentando yabo, bawa kusimo sabo, ngokona kuye uNkulunkulu.<sup>k</sup>

*k* Tshu. 7: 29 Ukuthi uNkulunkulu wamenza umuntu kodwa bafunile amacebo amanengi.

Gen. 3: 6, 7, 8, 13.

## **U.14. Kuyini isono na?**

I. Isono yikusilela ukwenelisa, lokwephula imilayo kaNkulunkulu.<sup>l</sup>

*l* 1 Joha. 3: 4 Bonke abenzayo ukona beqa umthetho, ngokuba ukona kuyikweqa umthetho.

## **U.15. Yisiphi isono esawisa abazali bethu bakuqala kuso isimo ababedalwe bekuso?**

I. Abazali bethu bakuqala bawa kuso isimo ababedalwe bekuso, ngesono sokudla isithelo sesihlahla okwathiwa bangasidli.<sup>m</sup>

*m* Gen. 3: 6 Owesifazana-ke ebona ukuthi isihlahla sihle ukuba yikudla, lokuthi sona siyabukeka emehlweni, lesihlahla sikhwabitheka ukwenza uhlakaniphe, wakha okwesithelo saso wadla; wasenika lendoda yakhe kanye laye, yasisidla. v. 7. Athi amehlo abo bobabili avuleka babona ukuthi bahambaze. v. 8. UAdamu lomkakhe bachatshela uJehova uNkulunkulu ezihlahleni zensimu.

## **U.16. Yikuthi bonke abantu bawa ngesono sokuqala sikaAdamu?**

I. Isivumelwano sesenziwe loAdamu, singesiso esakhe yedwa kodwa lesezizukulwana ezizayo, "bonke abantu abalusendo lwakhe bona, bawa laye esonweni sakhe sokuqala."<sup>n</sup>

*n* Gen. 1: 28 UNkulunkulu wababusisa, uNkulunkulu wathi kubo: Zalani lande ligcwaliise umhlaba liwunqobe.

Gen. 2: 16 UJehova uNkulunkulu wamlaya uAdamu ethi: Ungadla izihlahla zonke zensimu ngokuthanda kwakho. v. 17. Kodwa isihlahla sokwazi okulungileyo lokungalungile ungasidli, ngokuba msukwana usidlayo uzakufa lokufa.

- o* Roma. 5:18 Ngakho njengoba ngesiphambeko sinye isigwebo saba kubo bonke abantu ukuya ekulahlweni, ngokunjalo langokulunga koyedwa umusa weza kubo bonke abantu ukuya ekulungisisweni kwempilo.
- 1 Kor. 15: 21,22.

### **U.17. Ukuwa kwalettha abantu kusiphi isimo na?**

I. Ukuwa kwalettha abantu kuso isimo sesono losizi.<sup>p</sup>

- p* Roma. 5: 12 Njalo njengokuba ngomuntu munye ukona kwangena emhlabeni lokufa kwangena ngokona, kunjalo ukufa kwadlulela ebantwini bonke ngokuba bonke bonile.

### **U.18. Bungaphi na ububi balesosimo sesono umuntu awela kiso?**

I. Lobobubi besimo sesono umuntu awela kiso, kusekucalekeni kukaAdamu ngesono sokuqala, <sup>q</sup>ukuswela ukulunga kwakuqala, <sup>r</sup>lokubola kwawo wonke umdabuko wakhe, lokhu kubizwa ngokuthi "Yisono Somdabuko", <sup>s</sup>lazo zonke iziphambeko ezivela kiwo.<sup>t</sup>

- q* Roma. 5: 19 Njengokuba ngokungalaleli kwalowomuntu emunye abanengi benziwa izoni. v. 12.

*r* Roma. 3: 10 Kakho olunglelo loyedwa.

- s* Efe. 2: 1 Ulivusile lani ebelifile eziphambekweni lasezonweni. v. 2, 3.  
Hubo 51: 5 Bheka ngazalelwu ebubini lasekoneni umama wangithabatha.

*t* Mat. 15: 19 Kuvela enhliziyweni izizindlo ezimbi, ukubulala, ukuphinga, ukuhllobonga, ukweba, ukuqinisa amanga, lokuthuka. v. 20 Kuyilokhu okungcolisa umuntu.

### **U.19. Luyini usizi Iwesimo umuntu awela kuso?**

I. Bonke abantu ngokuwa kwabo balahlekelwa yibudlelwano loNkulunkulu, <sup>w</sup>bangaphansi kolaka Iwesiqalekiso sakhe, <sup>w</sup>ngenxa yalokhu abantu bachayekele insizi zalokhu-kuphila, lokufa uqobo, njalo lobuhlungu besihogo okungapheliyo.<sup>x</sup>

- u* Gen. 3: 8 UAdamu lomkakhe bamchatshela uJehova uNkulunkulu

ezihlahleni zensimu.

v. 24. Wamxhotsha uAdamu. v. 10.

w Efe. 2: 3 Sasingabantwana bolaka njengabanye ngokuvela kwethu v. 2. Gal. 3: 10. Besekulahlweni bonke abangemi njalo kukho konke okulotshiwego encwadini yomthetho bakwenze.

x Roma. 6: 23 Ngokuba inkokhelo yokona yikufa.

Mat. 25: 41 Khona izakuthi kwabangesokhohlo, dedani kimi lina elithukiwego liye emililweni ongapheliyo olungiselwe uSathani lezingilosи zakhe. v. 46.

## **U.20. Yikuthi uNkulunkulu wabayekela abantu ukuba bafele kiso isimo sesono losizi?**

I. UNkulunkulu ngayo kuphela nje injabulo yokulunga kwakhe kulo lonke iphakade, wakhethela abanye kukho ukuphila okungapheliyo, <sup>y</sup>wangena esivumelwaneni sesisa ukubakhupha kiso isimo sesono losizi, ukuba abalethe kiso isimo sosindiso ngoMhlengi.<sup>z</sup>

y Efe. 1: 4 Lokhu wasikhetha ngaye izwe lingakabi khona.

z Roma 3: 21 Khepha kalokhu kubonakaliswe ukulunga kukaNkulunkulu ngaphandle komthetho kuqiniswa umthetho labaprofethi. v. 22. Ukulunga kukaNkulunkulu ngokukholwa uJesu Kristu kukubo bonke abakholwayo.

## **U.21. Ngubani na umhlengi wabakhethiweyo baka-Nkulunkulu?**

I. Munye kuphela uMhlengi wabakhethiweyo bakaNkulunkulu, yiNkosi uJesu Kristu, <sup>a</sup>yena owathi eyiNdodana kaNkulunkulu ephakade waba ngumuntu <sup>b</sup>njengoba waba njalo eyahlala enjalo enguNkulunkulu njalo engumuntu elemvelo ezimbili ezicacileyo engumuntu munye <sup>c</sup>okungapheliyo.<sup>d</sup>

a 1 Tim. 2: 5 Ngokuba munye uNkulunkulu munye uMlamuli phakathi kukaNkulunkulu labantu nguye lumuntu uKristu Jesu. v. 6.

b Joha. 1: 14 ULizwi waba yinyama wahlala phakathi kwethu.

c Roma. 9: 5 Abalaboyise wavela kibo uKristu ngokwenyama ophezu kwakho konke, uNkulunkulu obongekayo kube phakade. Ameni.

d Heb. 7: 24 Khepha yena ngokuba ehlala kuze cube nini nini ulobupristi obungaquamukiyo.

## **U.22. Kwenzakala njani ukuthi uJesu eyiNdodana ka-Nkulunkulu abengumuntu njalo?**

I. UKristu iNdodana kaNkulunkulu waba ngumuntu, ngokuthatha umzimba oqotho,<sup>e</sup> elomphefumulo ozwayo, <sup>f</sup>emithwe ngamandla kaMoya oyiNgcwele, esizalweni sentombi uMariya, wazalwa nguye,<sup>g</sup> engelasono.<sup>h</sup>

e Heb. 2: 14 Ngakho-ke lokhu abantwana behlanganyela inyama legazi laye wahlanganyela lokhu. v. 16.

f Mat 26:38 Khona wathi kibo, "Umphefumulo wami udabukile kakhulu kuze cube lasekufeni, v. 27.

g Luka 1: 31 Bheka uzakhulelwa uzale iNdodana uqambe igama layo, uJesu. v. 35. Umoya oyiNgcwele uzakuza kuwe amandla oPhezukonke akusibekeli. v. 42.

h Heb. 7: 26 Wasifanelu uMpristi omkhulu onje oyingcwele omnene ongelasono ongahlangene lezonu. Heb. 4: 15, 10: 5.

## **U.23. Iyini imisebenzi kaKristu ayenza njengoMhlensi wethu?**

I. UKristu njengoMhlensi wenza umsebenzi wobuprefethi,<sup>i</sup> wobupristi, <sup>k</sup>lowenkosi <sup>l</sup>ekusimo sokuthobeka lokuphakama.

i Seb. 3: 22 UMose wathi kubobaba: INkosi uNkulunkulu wenu iyakulivusela umprofethi kubazalwane benu onjengami lizamlalela yena ngakho konke kini. v. 21.

k Heb. 5: 6 Ungumpristi kuze cube laphakade ngokokuma kukaMelkisedeki. v. 7.

t Hubo 2: 6 Kanti ngigcobile iNkosi yami eZioni intaba yami eyingcwele.

Heb. 12: 25, 2 Kor.13: 3, Heb. 7: 25, Isa. 9: 6, 7, Mat 21: 5, Hubo 2: 8-11.

## **U.24. UKristu uwenza njani umsebenzi wobuprefethi?**

I. UKristu wenza umsebenzi wobuprefethi ngokubonakalisa

kithim<sup>m</sup> ngelizwi lakhe,<sup>n</sup> langomoya wakhe,<sup>o</sup> intando kaNkulunkulu, ngosindiso lwethu.

*m Joha.1:18 UNkulunkulu kabonwanga ngumuntu; iNdodana ezelwe yodwa esesifubeni sikaYise yiyona emchasisileyo. 1Pet. 1:10,11,12.*

*n Joha. 20:31 Kodwa lezi zilotshiwe ukuba likholwe ukuthi uJesu Kristu yiNdodana kaNkulunkulu lokuba likholwe libe lokuphila ngegama lakhe.*

*o Joha. 14: 26 Kepha uMthokozisi uMoya oyiNgcwele azamthuma uBaba ngegama lami nguye oyakulifundisa konke. Joha. 15: 15.*

## **U.25. UKristu uwenza njani umsebenzi wobupristi?**

I. UKristu umsebenzi wobupristi, uwenza ekuzinikeleni kwakhe kanye engumnikeloo wenelisa umthethop<sup>p</sup> kaNkulunkulu, njalo lokusibuyisela kuNkulunkulu<sup>q</sup> lokusincengela njalonjalo.<sup>r</sup>

*p Heb. 9: 28 Kunjalo loKristu esenikelwe kanye ukuba athwale izono zabanengi. v. 14.*

*y Heb. 2:17 Ngakho-khe kwamfanelo ukuba abe njengabafowabo kukho konke ukuze abe ngumpristi omkhulu ohawukelayo lothembekileyo kokukaNkulunkulu kube yinhlawulo yezonzo zabantu.*

*Heb. 7: 25 Ngakho-ke ulamandla okusindisa ngokupheleleyo abeza kuNkulunkulu ngaye lokhu ephilela njalo ukubamela. Heb. 7: 24.*

## **U.26. UKristu uwenza njani umsebenzi wenkosi?**

I. UKristu umsebenzi wenkosi uwenza ngokusithobela phansi kwakhes<sup>s</sup> lekusibuseni lekusivikeleni<sup>t</sup> njalo lekusithibeni lekunqobeni zonke izitha zakhe lezethu.<sup>u</sup>

*s Hubo 110: 3 Abantu bakho bazavuma ngosuku lwamandla akho.*

*r Isa 33: 22 Ngokuba uJehova ungumahluleli wethu, uJehova ngumenzi wemithetho yethu, uJehova uyiNkosi yethu uzasisindisa.*

*u 1 Kor.15: 25 Ngokuba umele ukubusa aze abeke izitha zakhe zonke phansi kwenyawo zakhe.*

*Seb.15: 14-16; Isa. 32: 1, 2. Hubo 110: 1-3.*

## **U.27. Kungaphi lapho okulokuzithoba kukaKristu na?**

I. Ukuzithoba kukaKristu kusekubelethweni kwakhe ezalwa

ngesimo esiphansi<sup>w</sup>, wenziwa waba ngaphansi komthetho,  
<sup>x</sup>wangena ezinsizini zalokhukuphila<sup>y</sup> lelakeni lukaNkulunkulu,  
<sup>z</sup>lokufa okuqalekisiwego esiphambanweni, <sup>a</sup>lokuthi  
wangcwatshwa, waba ngaphansi kwamandla okufa okwe-  
sikhathi.<sup>b</sup>

- <sup>w</sup> Luka 2: 74 Wazibula ngendodana wayembathisa waseyilalisa emkhombeni.
- <sup>x</sup> Gal. 4: 4 UNkulunkulu wathumela iNdodana yakhe eyazalwa ngowesifazana, izelwe ngokomthetho.
- <sup>y</sup> Isa. 53: 3 Uyeyswa kathandwa ngabantu, ngumuntu wezinhlupheko ojwayele uhlupho.
- <sup>z</sup> Mat. 27: 46 Ngehora lesitshiyangalolunye uJesu wamemeza ngelizwi elikhulu wathi: Nkulunkulu wami, Nkulunkulu wami, ungitshiyelani?
- <sup>a</sup> Fil. 2: 8 Wazithoba elalela kwaze kwaba sekufeni lasekufeni esiphambanweni.
- <sup>b</sup> Mat. 12: 40 NjengoJona owahlala esiswini sensikabayitshiye okwezinsuku ezinthathu lobusuku obuthathu njalo iNdodana yomuntu izakuba senhliziyweni yomhlaba okwensuku ezinthathu lobusuku obuthathu.
- Heb.12: 2, 3; Luka 22: 44;1 Kor. 15: 3, 4; Seb. 2: 2427, 31.

## **U.28. Kungaphi lapho uKristu aphakanyiswa khona?**

I. Ukuphakanyiswa kukaKristu kusekuvukeni kwakhe kwabafleyo ngosuku Iwesithathu <sup>c</sup>lasekwenyukeleni kwakhe ezulwini, lekuhlaleni kwakhe ngakwesokunene sikaNkulunkulu uYise,<sup>d</sup> njalo lekubuyeni kwakhe esezagweba ilizwe mhla wokuphela.<sup>e</sup>

- <sup>c</sup> 1 Kor. 15:4 Ngokuba wangcwatsha wabuya wavuka ngosuku Iwesithathu njengokusemibhalweni.
- <sup>d</sup> Marko 16: 19 Kwathi iNkosi isikhulumile labo, yenyukela ezulwini, yahlala ngakwesokunene sikaNkulunkulu.
- <sup>e</sup> Seb. 17: 31 Ngokuba ulumisile usuku azakwahlulela ngalo ilizwe ngokulunga, ngomuntu ambekileyo waqinisa kubo bonke ngokumvusa kwakhe kwabafleyo.
- Efe. 1:20; Seb. 1: 11.

## **U.29. Senziwa njani ukuthi sihlanganyele kukho uku-**

## **hlengwa okwathengwa nguKristu?**

I. Senziwa sibe ngabahlanganyeli kulo uhlengo olwathengwa nguKristu ngokufezwa kwalo okulamandla kithi,  
<sup>f</sup>nguMoya oyiNgcwele wakhe.<sup>g</sup>

<sup>f</sup> Joha. 1: 12 Kodwa labo abamamukelayo wabanika amandla okuba babe ngabantwana bakaNkulunkulu.

<sup>g</sup> Tit. 3: 5 Kungayi ngemisebenzi yokulunga esiyenzileyo khephä ngomusa wakhe wasisindisa ngokuhlamba kokuzalwa kutsha langokwensiwa kutsha ngoMoya oyiNgcwele. v. 6. Awuthelayo wande kithi, ngaye uJesu Kristu umsindisi wethu.

## **U.30. UMoya oyiNgcwele ulufaka njani kithi uhlengo olwathengwa nguKristu?**

I. UMoya ufaka kithi uhlengo olwathengwa nguKristu ngo-kwenza sibe lokholo ngaphakathi kwethu<sup>h</sup> ngalokhu esi-hlanganisa loKristu kukho ukubizwa kwethu okuphumelelayo.<sup>i</sup>

<sup>h</sup> Efe. 2:8 Ngoba ngomusa lisindisiwe ngokholo, lalokhu kakuveli kini; yisipho sikaNkulunkulu.

<sup>i</sup> Efe. 3:17 Ukuze uKristu ahiale enhliziyeni zenu ngokukholwa.  
1 Kor. 1: 9 UNkulunkulu uqinisisle elabizelwa kuye enhlanganyelweni yeNdodana yakhe uJesu Kristu iNkosi yethu.

Efe. 1: 13,14; Joha. 6: 37, 39.

## **U.31. Kuyini ukubizwa okuphumelelayo?**

I. Ukubizwa okuphumelelayo ngumsebenzi kaMoya kaNkulunkulu<sup>k</sup> esivumisa izono zethu losizi lwethu,<sup>l</sup>ekhanyisa ingqondo zethu, kukho ukumazi uKristu<sup>m</sup> esenza butsha intando zethu,<sup>n</sup> esivumisa, njalo esinika amandla okuba samukele uJesu Kristu onikelwe kithi ngokukhululekileyo evangelini.<sup>o</sup>

<sup>k</sup> 2 Tim. 1: 9 Osisindisileyo wasibiza ngokubiza okungcwele. 2 Tes. 2: 13,14.

<sup>l</sup> Seb. 2: 37 Bathi bekuzwa lokhu bahlabeka ezinhliziyeni bathi kuPetro lakwabanye abaPostoli, Madoda, bazalwane, sizakwenzani na?

- m* Seb. 26:18 Ukuvula amehlo abo ukuze baphenduke ebunyameni baye ekukhanyeni baphenduke emandleni kaSathani baye kuNkulunkulu.
- n* Ezek. 36: 26 Ngisuse inhliziyo yelitshe kuyo inyama yenu ngalipha inhliziyo yenyama. v. 27.
- o* Joha. 6: 44 Akulamuntu ongeza kimi nxa ubaba ongithumileyo engamdonsanga. v. 45. Lowo ozwileyo ngoBaba wafunda uyakuza kimi. Fil. 2: 13.

### **U.32. Ziyini inzuzo ezizuzwa ngababizwe ngokuphu-meleleyo besekule impilo?**

- I. Labo ababizwe ngokuphumeleleyo besekule impilo be-mukela ukulungisiswa,<sup>p</sup> ukuma kwabantwana<sup>q</sup> lokwenziwa babengcwele; njalo lezinye inzuzo ezivela kulokhukuphila<sup>r</sup>.
- p* Rom. 8: 3 Lalabo abamisayo ngaphambili, bona labo wababiza; lalabo ababizayo, bona labo wabalungisisa; lalabo abalungisisayo, bona labo wabapha inkazimulo.
- q* Efe. 1: 5 Wasimisa saba ngabangabantwana ngoJesu Kristu.
- r* 1 Kor. 1 : 30 Kepha lina ngaye likuKristu Jesu owenzelwa thina nguNkulunkulu ukuhlakanipha lokulunga lobungcwele lokukhululwa. v. 26.

### **U.33. Kuyini ukulungisiswa?**

- I. Ukulungisiswa yisenzo sikaNkulunkulu, asenza ngesisa sakhe, ngokuthethelela zonke izono zethu, <sup>s</sup>esamukela njengabalungileyo ebusweni bakhe, <sup>t</sup>kuphela ngenxa yokulunga kukaKristu okufakwa kithi,<sup>u</sup> kwamukelwe ngokholo kuphela.<sup>w</sup>

- s* Efe. 1: 7 Esilokuhlengwa ngaye ngegazi lakhe lokuthethelelwa izono njengokwanda komusa wakhe.
- t* 2 Kor. 5: 21 Ngokuba ongakwaziyo ukona wenziwa ukona ngathi ukuze thina senziwe ngaye ukulunga kukaNkulunkulu.
- u* Roma 5: 19 Ngoba njengoba ngokungalaleli komuntu munye abanengi benziwa izoni, ngokunjalo ngokulalela komuntu munye abanengi bazakwenziwa abalungileyo.
- w* Gal. 2: 16 Sisazi ukuthi umuntu kalungisiswa ngemisebenzi yomlayo, kodwa ngokholo lukaJesu Kristu, lathi sakholwa kuKristu Jesu, ukuze silungisiswe ngokholo lukaKristu.

Roma. 3: 24; Roma. 4: 6-8; Roma 5:17,18; Fil. 3: 9.

### **U.34. Kuyini ukungeniswa ebantwaneni bakaNkulunkulu?**

I. Ukungeniswa ebantwaneni bakaNkulunkulu kwenzeka ngesisa sikaNkulunkulu<sup>x</sup> lapho esamukelwa kilo inani, njalo sibe lamathuba afanela amadodana kaNkulunkulu.<sup>y</sup>

x 1 Joha. 3: 1 Khangelani uthando olungaka asiphe lona uYise lokuthi sithiwe ngabantwana bakaNkulunkulu.

y 1 Joha. 1: 12 Kodwa labo abamukelayo wabapha amandla okuba babe ngabantwana bakaNkulunkulu, labo abakholwa egameni lakhe.

Roma. 8: 17 Nxa singabantwana siyizindlalifa njalo izindlalifa zika-Nkulunkulu lezindlalifa kanye loKristu.

### **U.35. Kuyini ukwenziwa ngcwele?**

1 Ukwensiwa ngcwele ngumsebenzi wesisa sikaNkulunkulu,<sup>z</sup> okungakho senziwa batsha kubuntu bethu bonke, bufane lomfanekiso kaNkulunkulu,<sup>a</sup> siphewe amandla njalo ukuba siye sisifa esonweni siphile ekulungeni.<sup>b</sup>

z 2 Tes. 2:13 UNkulunkulu walikhethela ukusindiswa ekuqaleni ngokuhlanza kukaMoya.

a Efe. 4: 24 Njalo lembathe umuntu omutsha, odalwe njengokukaNkulunkulu ekulungeni lebungcweleni beqiniso.

b Roma. 8: 1 Kunjalo akusekho ukulahlwa kwabakuKristu Jesu abangahambi ngokwenyama kodwa ngokoMoya.

### **U.36. Ziyini inzuzo kule impilo ezigeleza zivela ekulungisisweni ebuntwaneni?**

I. Inzuzo ezifunyanwa kule impilo, zigeleza ekulungisisweni, ebuntwaneni lekungcwelisweni, zitshengisa ukuqiniseka kothando lukaNkulunkulu, ukuthula kwesazela, ukuthokoza kuye uMoya oyiNgcwele, <sup>c</sup>ukwandiswa komusa,<sup>d</sup> lokuphikelela kuze kube sekupheleni.<sup>e</sup>

c Roma 5:1 Kunjalo lokhu silungisiswa ngokukholwa silokuthula

kuNkulunkulu ngayo iNkosi yethu uJesu Kristu. v. 2 Ngaye saba lokungena ngokukholwa kulo umusa esimi ngawo, sithokoza ngethemba lobukhosи bukaNkulunkulu. v. 5 Ithemba alijabhisi ngokuba uthando lukaNkulunkulu luthelwe ezinhliziyeni zethu nguMoya oyiNgewe esimphiweyo.

- d Zaga 4: 18 Kepha indlela yabalungileyo injengokukhanya okuqhube kayo okukhanya njalo kube yimini epheleleyo.
- e 1 Joha. 5: 13 Lezizinto ngizilobile kini lize lazi ukuthi lilokuphila okungapheliyo lina elikhholwayo egameni leNdodana kaNkulunkulu, Rom. 14: 17; 1 Pet. 1: 5.

### **U.37. Ziyini na inzuko ezemukelwa kuKristu ngamakholwa nxa esekufeni?**

I. Imiphefumulo yamakhola iyapheleliwa ebungcweleni<sup>f</sup> besekufeni njalo khonokho besifa idlulela ebukhosini, <sup>g</sup>imizimba yabo ilokhu inhlangene kuKristu <sup>h</sup>iyaphumula emangcwaben<sup>i</sup> kuze kube mhla wokuvuka.<sup>k</sup>

- f Heb. 12: 23 Lakuyo imimoya yabalungileyo, abapheleleyo.
- g Fil. 1:23 Ngilenhliziyо yokudlula ngihlale loKristu.
- h 1 Tes. 4:14 Njalo labaleleyo kuJesu, uNkulunkulu uzakubavusa kanye laye.
- i Isa. 57: 2 Uzangena yena ekuthuleni, bazaphumula emibhedeni yabo, yilowo ehamba ngokulunga kwakhe.
- k Jobe 19: 26 Lokho usuphelile umzimba wami ngizambona uNkulunkulu ngilenyama yami. v. 27.
- l 2 Kor. 5: 1, 6, 8; Luka 23: 43; Isa. 57: 2.

### **U.38. Ziyini inzuko ezizakwamukelwa kuKristu mhla wovuko?**

I. Mhla wovuko amakhola evuselwe ebukhosini <sup>l</sup>azakwamukelwa obala emsulwa mhla wokwahluelwa, <sup>m</sup>abusiswe ngokupheleleyo, athokoze ngokupheleleyo kuNkulunkulu <sup>n</sup>kilo lonke iphakade.<sup>o</sup>

- l 1 Kor. 15: 43 Kuhlanyelwa kulokudelwa kuvuka kulobukhosи.
- m Mat. 10: 32 Lowo ongivuma phambi kwabantu lami ngizakumvuma phambi kukaBaba osezulwini.
- n 1 Joha. 3: 2 Nxa ebonakala sizakuba njengaye ngoba sizambona

njengoba enjalo.

- o 1 Tes. 4: 17 Kunjalo sizakuba kuyo iNkosi. v. 18.  
Mat. 25: 23; 1 Kor. 13: 12.

### **U.39. Uyini umsebenzi ofunwa nguNkulunkulu emuntwini?**

I. Umsebenzi awufunayo uNkulunkulu emuntwini, yikulalela intando yakhe ayembulileyo.<sup>p</sup>

- p Mika 6: 8 Ukubonisile, mutu, lokhu okulungileyo; uJehova ubizani phela kuwe kungabi yikwenza ukwahlula lokuthanda umusa lokuzehlisa uhambe loNkulunkulu wakho na?

1 Sam. 15: 22.

### **U.40. Kuyini uNkulunkulu akwambulela umuntu ekuqaleni okuyindlela yokulalelwakhe?**

I. Indlela yokumlalela uNkulunkulu ayambulela umuntu ekuqaleni, ngumthetho wokuziphatha.<sup>q</sup>

- q Roma 2:14 Nxa abezizwe, abangelamthetho, besenza okwemvelo yabo ngomthetho, labo bengelamthetho, bangumthetho wabo ngokwabo. v. 15. Bayabonakalisa imisebenzi yomthetho olotshiwego ezinhliziyweni zabo. Rom. 10: 5.

### **U.41. Kungaphi lapho okumunyethwe khona umthetho wokuziphatha ngokufitshane?**

1 Umthetho wokuziphatha umunyethwe ngokufitshane kiyo imithetho elitshumi.<sup>r</sup>

- r Dute. 10:4 Wabhalo phezu kwamatshe amazwi anjengawakuqala emithetho elitshumi.

Mat 19: 17 Khepha nxa uthanda ukungena ekuphileni, gcina imilayo.

### **U.42. Iyini imfundiso yemithetho elitshumi?**

I. Imfundiso yemithetho elitshumi yikuthanda iNkosi uNkulunkulu wethu ngenhliziyi yethu yonke, langomphefumulo wethu wonke, langamandla ethu wonke, langengqondo yethu yonke njalo lowakhelene lathi njengokuba sizithanda

thina.<sup>s</sup>

*s* Mat 22:37 Wothanda iNkosi uNkulunkulu wakho ngenhliziyo yakho yonke langophemfumulo wakho wonke langengqondo yakho yonke. v. 38 Yilowo umlayo wokuqala lomkhulu. v. 39 Lowesibili ufanana lawo wokuthi wothanda wena owakhelene lawe njengalokhu uzithanda wena. v. 40 Kulemilayo emibili kubambelele umthetho wonke wabaprofethi.

#### **U.43. Yiwaphi na amazwi andulela imithetho elitshumi?**

I. Amazwi andulela imithetho elitshumi yila: NginguNkulunkulu wakho owakukhupha ezweni laseGibithe endlini yobugqili.<sup>t</sup>

*r* Eks. 20: 2.

#### **U.44. Amazwi andulela imithetho elitshumi asifundisani?**

I. Amazwi andulela imithetho elitshumi asifundisa, ukuthi njengokuba uNkulunkulu eyiNkosi, njalo enguNkulunkulu wethu, loMhlengi wethu, ngalokhu sibotshelwe ukuba sigcine yonke imithetho yakhe.<sup>u</sup>

*u* Dute. 11:1 Ngakho-ke uzamthanda uJehova uNkulunkulu ukugcine akutshoyo lezimiso zakhe lokwahlulela kwakhe lomthetho wakhe njalo njalo.

Luke 1:74 Ukusinika, ukuthi sesikhululiwe esandleni sezitha zethu, siyikhonze singelakwesaba v. 75 ngobungcweli langokulunga phambi kwayo zonke insuku zempilo yethu.

1 Pet 1: 15-19.

#### **U.45. Yiwuphi na umthetho wokuqala?**

I. Umthetho wokuqala yilo: Ungabi labanye onkulunkulu ngaphandle kwami.<sup>v</sup>

Eks. 20: 3.

#### **U.46. Kuyini okufunekayo kuwo umthetho wokuqala na?**

I. Umthetho wokuqala ufunsa sazi<sup>w</sup> njalo sivume ukuthi uNkulunkulu nguye kuphela uNkulunkulu wethu, <sup>x</sup>lokuba simdumise, simkhonze ngokufaneleyo.<sup>y</sup>

w 1 Lan. 28:9 Wena Solomoni ndodana yami, mazi uNkulunkulu kayihlo.

x Dute. 26: 17 Umvumile uJehova lamuhla ukuba abe nguNkulunkulu wakho uhambe ezindleleni zakhe ugcine imithetho yakhe lezimemezelo zakhe lemilayo yakhe ulilalele izwi lakhe.

y Mat. 4:10 Wokhuleka eNkosini uNkulunkulu wakho umkhonze yena yedwa.

Hubo 29: 2.

#### **U.47. Kuyini na okwaliwa ngumthetho wokuqala?**

I. Umthetho wokuqala wała ukuphika<sup>z</sup> lokungakhonzi lokungadumisi uNkulunkulu weqiniso <sup>a</sup>njengoNkulunkulu wethu, <sup>b</sup>lokunika omunye inkonzo lodumo oluqonde yena yedwa.<sup>c</sup>

z Hubo. 14:1 Isiwula sitsho enhliziyweni yaso ukuthi akulaNkulunkulu.

a Roma 1: 20 Njalo kabalakuphendula, v. 21 ngoba kuthe bemazi uNkulunkulu, kabamdumisanga njengoNkulunkulu.

b Hubo. 81: 11 Khepha abantu bami kabezwanga, uIsraeli wayengangivumi. v. 10.

c Roma 1: 25 Iqiniso likaNkulunkulu baliphendula amanga, bahlonipha bakhonza okudatshulwayo kulaye oDabulayo, obongekayo kuze kube phakade. Ameni, v. 26.

#### **U.48. Kuyini kanye esikufundiswa yila amazwi “ngaphandle kwami” akuwo umthetho wokuqala?**

I. La amazwi “ngaphandle kwami” akuwo umthetho wokuqala asifundisa ukuthi uNkulunkulu obona zonke izinto, uyaqaphelisa njalo kathokozi ngesono sokuba labanye oNkulunkulu.<sup>d</sup>

d Hubo 44: 20 Uma sikhohlwe igama likaNkulunkulu wethu lobasezelwe izandla zethu kunkulunkulu wezizwe. v. 21. UNkulunkulu akayikuhlolola lokhu na?

Ezek. 8: 5, 6.

#### **U.49. Yiwuphi umthetho wesibili?**

I. Umthetho wesibili yilo: Ungazenzeli isithombe esiba-ziwego lomfanekiso wokusezulwini ngaphezulu lowokuse-mhlabeni phansi, lowokusemanzini phansi komhlaba. Ungazikhonzi ngokuba mina uJehova uNkulunkulu wakho nginguNkulunkulu olomona, ngehlisela izono zaboyise kubantwana abesizukulwana sesithathu labesine sabangizondayo; ngibenzela umusa abazinkulungwane abangithandayo abagcina imithetho yami.<sup>e</sup>

*e* Eks. 20: 4-6.

#### **U.50. Kuyini okufunekayo emthethweni wesibili?**

I. Umthetho wesibili ufunu ukwemukela, ukugcina,<sup>ee</sup> lokulondoloza ngokuhlanzeka okupheleleyo zonke izimiso uNkulunkulu azimisileyo eziselizwini lakhe.<sup>f</sup>

*ee* Dute. 32: 46 Wathi kibo: Bekani inhliziyo yenu kuwo wonke amazwi engiwafakaza kini lamuhla eliyakulaya ngawo abantwana benu ukuba baqaphela ukuwenza amazwi wonke alumthetho.

Mat. 28: 20 Libafundise ukugcina konke engililaye ngakho.

*f* Dute. 12: 32 Konke engililaye ngakho liboqaphela ukuba likwenze. Awuyikwengeza kukho futhi ungakunciphisi. Seb. 2: 42.

#### **U.51. Kuyini okwaliwayo emthethweni wesibili?**

I. Umthetho wesibili wala ukukhonza uNkulunkulu ngemifanekiso langezithombe<sup>g</sup> langayiphi indlela engamiswanga elizwini lakhe.<sup>h</sup>

*g* Dute 4: 15 Gcinani kuhle imiphefumulo yenu lokhu lingabonanga simo ngalolosuku uJehova akhuluma ngalo kini eHorebe. v. 16 Funa lone lizenzele izithombe ezibaziwego. vv. 17,19.

*h* Kol. 2: 18 Akungabikho muntu olamuka umvuzo ethokoza ngokuzithobisa kwakhe langokudumisa izingilosи engena kulokho angakubonanga ezikhukhumeza ngeze ngenhliziyo yakhe engokwenyama.

Eks. 32: 5, 8; Dute. 12: 31, 32.

#### **U.52. Yiziphi na izizatho ezixhumene lomthetho wesili**

## **bili?**

I. Izizatho ezixhumene lomthetho wesibili yilezi; ubukhosibukaNkulunkulu phezu kwethu<sup>f</sup>, ubuninithina<sup>k</sup> lokutshiseka alakho ngenkonzo yakhe.<sup>l</sup>

*i* Hubo. 95:2 Asize phambi kobuso bakhe ngokubonga sihube kuye ngezihlabelelo. v. 3. Ngokuba uJehova nguNkulunkulu omkhulu, uyiNkosi enkulu ngaphezu kwabonkulunkulu bonke. v. 6.

*k* Hubo. 45: 11 Yona yiNkosi yakho ngakho idumise.

*l* Eks. 34: 14 Ngokuba awuyikukhonza omunye uNkulunkulu lokhu uJehova igama lakhe linguMona unguNkulunkulu olomona v. 13.

## **U.53. Yiwuphi umthetho wesithathu?**

I. Umthetho wesithathu yilo: Ungaliphathi ngeze igama likaJehova uNkulunkulu wakho, ngoba uJehova uzambeka icala ophatha igama lakhe ngeze.

Eks. 20: 7.

## **U.54. Kuyini okufunekayo emthethweni wesithathu?**

I. Umthetho wesithathu ufunu sisebenzise ngcwele, langokuhlonipha amabizo kaNkulunkulu<sup>m</sup>, lokunye ukubizwa kwakhe, lempawu<sup>n</sup>, lenkonzo,<sup>o</sup> lelizwi,<sup>p</sup> njalo lemisebenzi yakhe?<sup>q</sup>

*m* Hubo. 29: 2 Nikani kuJehova ukukhazimula kwegama lakhe.

*n* Isam. 15:3 Mikhulu iyamangalisa imisebenzi yakho Nkosi Nkulunkulu, Somandla, zilungile ziyisiminya izindlela zakho Nkosi yabangcwele. v. 4. Ngubani ongayikwesaba wena Nkosi alidumise ibizo lakho na?

*o* Tshu. 5: 1 Gcina unyawo Iwakho ekuhabeni kwakho ukuya endlini kaNkulunkulu, sondela ukuze uwse kulokuba unikele umnikelo weziwula.

*p* Hubo 138: 2. Ngizakukhuleka ngikhangele ethempeleni lakho elingcwele.

*q* Jobe. 36: 24 Khumbula ukhulise umsebenzi wakhe abawubonayo abantu.

Mat 6: 9; Dute. 28: 58; Hubo. 68: 4; Mal 1:2,11,14,

## **U.55. Kuyini na okwaliwa ngumthetho wesithathu?**

I. Umthetho wesithathu walela konke ukungcolisa lokuphatha ngokungafanelanga konke uNkulunkulu akusebenzisayo ukuba aziwe ngakho.<sup>r</sup>

<sup>r</sup> Mal. 2: 2 Uba lingavumi ukuzwa loba lingakubeki enhliziyweni ukunika udumo kilo ibizo lami uqobo, utsho uJehova wamabandla, ngizathuma kuphela isiqalekiso phezu kwenu. Mal. 1: 6, 7, 12; Mal. 3: 14.

### **U.56. Siyini isizatho esixhumene lomthetho wesithathu?**

I. Isizatho esixhumene lomthetho wesithathu yilesi: Ukuthi lanxa abephula lo umthetho bephepha kuswazi lwabantu kube kanti inkosi uNkulunkulu wethu kayisoze ibayekele baphephe isigwebo sayo esiqondileyo.<sup>s</sup>

<sup>s</sup> Dute. 28: 58 Uma ungaqapheli ukwenza wonke amazwi omthetho alotshiweyo kule incwadi, ukulesaba leligama elingcwele lelesabekayo, uJehova uNkulunkulu wakho. v. 59. Khona-ke uJehova uzakwenza izinhlupheko zakho zesabeke.

1 Sam. 2:12,17, 22, 29; 1 Sam. 3: 13.

### **U.57. Yiwuphi umthetho wesine?**

I. Umthetho wesine yilo: Khumbula usuku IweSabatha ulugcine lube ngcwele. Uzasebenza izinsuku eziyisithupha uwenze wonke umsebenzi wakho kodwa usuku IweSabatha luyiSabatha likaJehova uNkulunkulu wakho; ungasebenzi umsebenzi ngalo, wena lendodana yakho lendodakazi yakho, lesisebenzi sakho sesilisa lesesifazana lenkabi zakho lohambele kuwe osemzini wakho. Ngokuba ngezinsuku eziyisithupha uJehova wenza izulu lomhlaba lolwandle lakho konke okukukho, waphumula ngosuku Iwesikhombisa, ngakho uJehova wabusisa usuku Iwesikhombisa walwenza lwaba ngcwele.

Eks. 20: 8-11.

### **U.58. Kuyini na okufunekayo emthethweni wesine?**

I. Umthetho wesine ufuna ukulondolozwa ngcwele ku-Nkulunkulu kwezikhathi azimiseleyo ezelizwini lakhe, ngokukhethekileyo, usuku lube lunye kweziyisikhombisa, ukuze lube liSabatha elingcwele kuye.<sup>r</sup>

<sup>t</sup> Lev. 19: 30 Gcinani amasabatha ami, lesabe indlu yami engcwele. NgiyiNKOSI.

Dut. 5: 12 Gcina usuku lwesabatha, ukulungcwelisa, njengokukulaya kweNKOSI uNkulunkulu wakho. vv. 13, 14.

### **U.59. Yiluphi usuku kweziyisikhombisa uNkulunkulu alumisileyo ukuba lube lusuku IweSabatha lakhe wonke amaviki?**

I. Kusukela ekuqaleni kwelizwe kusiya ekuvukeni kuka-Kristu kwabafileyo, uNkulunkulu walumisa usuku lwesi-khombisa ukuze lube liSabatha lakhe wonke amaviki. "Usuku lokuqala lweviki kusukela mhlalokho, kuze kube sekupheleni kwelizwe luliSabatha lamaKristu.<sup>w</sup>

<sup>u</sup> Gen. 22:3 UNkulunkulu wabusisa usuku lwesikhombisa walungcwelisa ngoba ngalo uNkulunkulu waphumula emisebenzini yonke yakhe ayeyidabulile, wayenza. v. 2.

<sup>w</sup> Seb. 20:7 Kwathi ngosuku lokuqala lweviki sebebuthene abafundi ukuze bahlephule isinkwa, uPawuli watshumayela kibo.

Isam. 1: 10 NgangiloMoya ngosuku IweNkosi.

1 Kor. 16: 1, 2.

### **U.60. Lingagcinwa njani ngcwele iSabatha na?**

I. ISabatha lingensiwa ngcwele ngokuphumula okungcwele ngalo lonke lolosuku, kuyo yonke imisebenzi yelizwe, lezilibaziso ezisemthethweni ngezinye izinsuku<sup>x</sup> zeviki, kufanele sichithe isikhathi sonke kuyo inkonzo kaNkulunkulu esobala lengasese,<sup>y</sup> ngaphandle nje kwemisebenzi efaneleyo leyesihawu.<sup>z</sup>

<sup>x</sup> Lev. 23:3 Kuzasetshenzwa okwensuku eziyisithupha khepha ngolwesikhombisa luliSabatha lokuphumula, umkhosi ongcwele, lingasebenzi umsebenzi ngalo.

- y Hubo. 92:1 Kuhle ukumbonga uJehova lokuhlabelela igama lakho, wena oPhezukonke. v. 2 UkuLshumayela umusa wakho ekuseni lokuthembeka kwakho ebusuku.
- z Mat. 12:11 Nguwuphi umuntu kini olemvu eyodwa nxa iwele emgodini ngeSabatha engayibambi ayikhuphe na? v. 12. Pho-ke umuntu udlula imvu ngokunganani na? Ngakho-ke kuvunyelwe ukwenza okuhle ngeSabatha.  
Eks. 20: 8, 10; Eks. 16: 25-28; Neh 13: 15-19, 21, 22; Luka 4: 16; Seb. 20: 7; Isa. 66: 23.

## **U.61. Kuyini na okwaliwa emthethweni wesine?**

I. Umthetho wesine wala ukuyekela lokwenza ngokungananzi lokho okufunekayo,<sup>a</sup> lokungcolisa usuku ngokungenzi lutho kumbe ngokwenza lokho okuyisono,<sup>b</sup> loba ngemicabango engafanele, amazwi, kumbe imisebenzi, mayelana lemisebenzi yethu yensukwini loba lezilibaziso.<sup>c</sup>

- a Mal. 1: 13 Litsho futhi ukuthi: Khangela ukuhlupheka beselincifela utsho uJehova wamabandla, lilethe okuthathwe ngobudlova, lokuqhulayo lilethe kanjalo umnikelo; bengiyakwemukela lokhu esandleni senu na? utsho uJehova.
- b Hez. 23: 38 Ngalo lolosuku abangcolisa ngalo indlu yami eyingcwele bawona lamaSabatha ami.
- c Isa. 58:13 Nxa ulubuyisa unyawo Iwakho kilo iSabatha ukuze ungenzi umsebenzi wakho ngosuku Iwami oluyingcwele, ulibize iSabatha ngokuthi yintokozo, ubungcwele bukajehova, buludumo, uludumise, ungahambi ngezindlela zakho, ungazidingeli intokozo yakho, kumbe ukhulume amazwi akho.  
Hez. 22: 26; Amos. 8: 5; Seb. 20: 7, 9; Jer. 17: 24-26.

## **U.62. Yiziphi na izizatho ezixhumene lomthetho wesine?**

I. Izizatho ezixhumene lomthetho wesine yikuba, uNkulunkulu usivumele insuku eziyisithupha ukwenza yonke imisebenzi yethu,<sup>d</sup> lokubeka igunya lakhe kusuku Iwesikhombisa,<sup>e</sup> isitshengiselo sakhe; njalo lokubusisa usuku Iwe-Sabatha.<sup>g</sup>

- d Eks. 31: 1 15 Izinsuku eziyisithupha kuzasetshenzwa khepha ngosuku Iwesikhombisa kuyiSabatha lokuphumula v. 16. Ngalokho

- abakwa Israeli bazaligcina iSabatha
- e Levi. 23: 3 Lingasebenzi umsebenzi; kuyi Sabatha kuJehova ezindlini zenu zonke.
  - f Eks. 31:17 Liluphawu phakathi kwami labantwana bako Israeli olungapheliyo ngoba ngensuku eziyisithupa uJehova walenza izulu lomhlaba khepha ngosuku Iwesikhombisa waphumula wathokoza.
  - g Gen. 2: 3 UNkulunkulu wabusisa usuku Iwesikhombisa walwenza Iwaba yingcwele.
- Eks. 24: 9,11.

### **U.63. Yiwuphi na umthetho wesihlanu?**

I. Umthetho wesihlanu yilo: Hlonipha uyihlo lonyoko ukuze izinsuku zakho zande ezweni akunike lona uJehova uNkulunkulu wakho.

Eks. 20: 12.

### **U.64. Kuyini na okufunekayo emthethweni wesihlanu?**

I. Umthetho wesihlanu ufunu ukulondolozwa kwenhloniphopho, lokwenza imfanelo eziqondene laye wonke umuntu esikhundleni akuso, kwabakhulu<sup>h</sup> labancinyane<sup>i</sup> laboso-wethu.<sup>k</sup>

h Efe. 5: 21 Lithobelane ngokumesaba uNkulunkulu v. 22. Abafazi kabathobele amadoda njengokungathi kukuyo iNkosi.

Efe. 6:1, 5 Bantwana lalelani abazali benu eNkosini, zisebenzi lalelani amakhosi enu ngokwenyama.

Roma 13:1 Akube yilovo azithobe ngaphansi kwamandla ombuso.

i Efe. 6: 9 Lani makhosi yenzani okunjalo kuzo, liyekele ukuzisongela, lazi ukuthi eyazo leyenu iNkosi esezulwini.

k Roma.12:10 Thandanani kakhu lu ngothando lobuzalwane; ekuhloniphaneni phathani abanye ngcono kulani.

1 Pet. 2: 17.

### **U.65. Kuyini na okwaliwa ngumthetho wesihlanu?**

I. Umthetho wesihlanu wala ukuyekela kumbe ukwenza okuphambene lenhloniphopho lemfanelo yakhe wonke umuntu esikhundleni sakhe.<sup>l</sup>

- l* Roma. 13:7 Nikani bonke okufaneleyo, imithetho kofanele imithetho, limkhokhele ofanele inkokhelo, ukwesaba kofanele ukwesatshwa, udumo kofanele udumo. v. 8.  
Mat. 15: 4-6; Hez. 34: 2-4.

### **U.66. Siyini na isizatho ezixhumene lomthetho wesihlanu?**

- I. Isizatho ezixhumene lomthetho wesihlanu yisithembiso sempilo ende lempumelelo kubo bonke abagcina umthetho<sup>m</sup> (ingqe nje kuyabe kumdumisile uNkulunkulu njalo kubalungele).

*m* Efe. 6: 2 Hlonipha uyi hlo lonyoko okungumlayo wokuqala olesithembiso v. 3. ukuze kube kuhle kuwe, njalo uphile isikhathi eside emhlabeni.. Dute. 5: 16.

### **U.67. Yiwuphi na umthetho wesithupha?**

- I. Umthetho wesithupha yilo: Ungabulali.

Eks. 20: 13.

### **U.68. Kuyini na okufunekayo emthethweni wesithupha?**

- I. Umthetho wesithupha ufunu imizamo yonke esemthethweni ukugcina impilo yethu, <sup>n</sup>njalo lempilo yabanye.<sup>o</sup>

*n* Efe. 5: 28 Kanjalo amadoda afanele ukuthanda omkabo njengemizimba yawo. v. 29. Ngokuba akakho owake wazonda eyakhe inyama khephayayondla, ayiphathe kuhle.

*o* Hubo. 82:3 Vikelani ompofu lentandane. v. 4. Khululani oswelayo ompofu.

Job. 29: 13 Isibusiso sowayezakufa safika phezu kwami.

2 Kho. 18: 4.

### **U.69. Kuyini na okwaliwa ngumthetho wesithupha?**

- I. Umthetho wesithupha wala ukuthi sizibulale, <sup>p</sup>lesakhelene labo ngokungemthetho, <sup>q</sup>njalo lakuphi okuhambelana lokunje.<sup>r</sup>

*p* Seb.16:28 Khepha uPawuli wamemeza ngelizwi elikhulu wathi: Ungazilimazi.

- q* Gen. 9: 6 Ochitha igazi lomuntu, igazi lakhe lizachithwa ngabantu.
- r* Zaga 24:11 Bephule abasiwe ekufeni, abadonselwa ekufeni ubagodle.
- v. 12. Uma usithi, khangela asikwazi, olinganisa izinhliziyo kakunakanga yini?

## **U.70. Yiwuphi umthetho wesikhombisa?**

- I. Umthetho wesikhombisa yilo: Ungafebi.  
Eks. 20: 14.

## **U.71. Kuyini na okufunekayo emthethweni wesikhombisa?**

- I. Umthetho wesikhombisa ufunu ukulondolozwa<sup>s</sup> lokuhlonitshwa komzimba wethu lowabakhelene lathi,<sup>t</sup> enhliziyeweni,<sup>u</sup> enkulumeni,<sup>w</sup> njalo lekuziphatheni.<sup>x</sup>

- s* 1 Tes. 4: 4 Ukuba yilovo lalowo kini akwazi ukuhlala lomkakhe ngobungcwele langokuhlonipha.
- r* Efe. 5: 11 Lingahlanganyeli lemisebenzi yobumnyama engelazithelo khepha kulalokho liyidele. v.12. Ngokuba okwenziwa ngasese kulihlazo lokukhuluma ngakho.
- u* 2 Tim. 2: 22 Khepha balekela inkanuko yobutsha, uqonde ukulunga lokukholwa lothando.
- w* Kol. 4: 6 Urukukhuluma kwenu kakube lomusa kungabi duma.
- x* 1 Pet 3: 2 Ebona ukuhamba kwenu okulungileyo lilokwesaba.  
1 Kor. 7: 2, 3, 5, 34, 36.

## **U.72. Kuyini na okwaliwa emthethweni wesikhombisa?**

- I. Umthetho wesikhombisa wala ukuxhwala kwemicabango,<sup>y</sup> kwamazwi,<sup>z</sup> njalo lokwenza.<sup>a</sup>

- y* Mat 5: 28 Khepha mina ngithi kini yilovo lalowo obuka owesifazana amkhanuke, usephingile laye enhliziyeweni yakhe.
- z* Efe. 5: 4 Lehlazo lokukhuluma okuyize lokulawula okuyizinto ezingafanelanga.
- a* Efe. 5: 3 Khepha ubufebe lakho konke ukungcola kakungaphathwa ngegama phakathi kwenu. v. 4.  
Mat 15: 19.

## **U.73. Yiwuphi na umthetho wesitshiyangalombili?**

I. Umthetho wesitshiyangalombili yilo: Ungebi.  
Eks. 20: 15.

#### **U.74. Kuyini na okufunekayo emthethweni wesitshiyangalombili?**

I. Umthetho wesitshayangalombili ufunu ukuzuza lokwandumisa kwenotho ngokusemthethweni lokuphumelela okubonakalayo kwethu<sup>b</sup> lokwabanye<sup>c</sup>.

*b* Roma 12: 17 Yenzani okuhle emehlweni abantu bonke.

Zaga 27: 23 Qaphelisisa ukuma kwemihlambi yakho ubeke kuhle imihlambi yakho.

*c* Lev. 25: 35 Umfowabo nxa empofu, aswele amandla ekini umqinise.

Fil. 2: 4 Akube yilovo lalowo angakhangeli okwakhe kodwa akhangele okwabanye.

Gen 30: 30; 1 Tim. 5: 8; Dute. 22: 1-5; Eks. 23: 4, 5; Gen. 47: 14, 20.

#### **U.75. Kuyini na okwaliwa ngumthetho wesitshayangalombili?**

I. Umthetho wesitshiyangalombili wala konke okungekho emthethweni okungavalela thina <sup>d</sup>labomakhelwane bethu enothweni lekuphumeleleni.<sup>e</sup>

*d* 1 Tim. 5: 8 Nxa kulomuntu ongabonisani labakwabo ikakhulu abendlu yakhe uhlubukile ekukholweni, mubi kulongakholwayo.

*e* Zaga 28: 19 Khepha olandela abangaqondanga uzasutha ubuyanga Zaga. 21:6 Kukhona ukuzuza imfuyo ngolimi lwamanga; abanjalo banjengomoyaohanjiswayo, abafuna ukufa. v. 17.

Jobe 20: 19 Ngokuba ubahluphile wabalahlahabampofu, waphanga indlu engakhiwanga nguye. v. 20. Kasoze agcine lokho akufisayo.

Zaga 23: 20, 21; Efe. 4: 28.

#### **U.76. Yiwuphi umthetho wesitshayangalonye?**

I. Umthetho wesitshayangalonye yilo: Ungafakazi amanga ngomakhelwane wakho.

Eks. 20: 16.

#### **U.77. Kuyini na okufunekayo emthethweni wesitshiyangalombili?**

## **ngalonye?**

I. Umthetho wesitshayangalonye ufunu ukugcinwa lokuphakanyiswa kweqiniso phakathi kwabantu<sup>f</sup> lathi, <sup>g</sup>lakulo ibizo lethu elihle lelabomakhelwane<sup>h</sup> bethu, ikakhulu nxa sibafakazela.<sup>i</sup>

*f* Zek. 8: 16 Khulumani iqiniso yilowomuntu lomngane wakhe.

*g* 1 Pet 3: 16 Lilesazela esihle, ukuze kuthi kulokho abalihleba ngakho njengabenzi bobubi bayangeke, labo abathuka ukuziphatha kwenu okuhle kuKristu.

Seb. 25: 10 Wathi uPawuli: Ngisemi phambi kwesihlalo sikaKhesari lapha kufanele ngibuzwe khona, angonanga lutho kibo abaJuda

*h* 3 Joha. 12 NgoDemetriyu kufakazwe yibo bonke, langeqiniso uqobo; lathi futhi siyafakaza.

*i* Zaga 14:5 Umfakazi wedqiniso akasoze aqambe amanga. v. 25. ufakazi oqinisileyo uyayisindisa imiphefumulo.

## **U.78. Kuyini okwaliwa emthethweni wesitshiyangalolunye?**

I. Umthetho wesitshiyangalolunye wala konke okungasiqiniso, <sup>k</sup>lokuyingozi kithi<sup>l</sup> lasebizweni elihle labomakhelwane bethu.<sup>m</sup>

*k* Roma 3: 13 Bakhohlisa ngezinlimi zabo.

*l* Jobe 27: 5 Akube khatshana lami ukuba ngivume ukuthi lilungile, ngizaze ngife ngingadlanga ukulunga kwami.

*m* Hubo. 15:3 Akahlebi ngolimi, koni umngane wakhe, akaphakamisi ihlazo phezu kwesihlobo sakhe.

1 Sam. 17: 28; Lev. 19: 16.

## **U.79. Yiwuphi umthetho wetshumi?**

I. Umthetho wetshumi yilo: Ungafisi indlu yomakhelwane wakho, ungafisi umfazi wakhe, lesisebenzi sakhe, lesisebenzikazi sakhe, lenkabi yakhe, lembongolo yakhe, lokunye okukamakhelwane wakho.

Eks. 20: 17.

## **U.80. Kuyini na okufunekayo emthethweni wetshumi?**

I. Umthetho wetshumi ufunu ukwenela okupheleleyo ngezimo zethu<sup>n</sup> sibe lomoya olungileyo lokuthanda zonke izinto zabomakhelwane bethu.<sup>o</sup>

*n* Heb. 13: 5 Ngokuhamba kwenu malingafisi, yenelani ngelilakho.

*o* Roma 12: 15 Thokozani labathokozayo, likhale labakhalayo.

1 Kor. 13:4 Uthando luyabekezela, lumnene, uthando alulamona, uthando aluzidumisi, aluzikhukhumezi. v. 5. Alwenzi okungafanelanga aluzifuneli okwalo, alulalaka, aluzindlekeli okubi. v. 6. Aluthokozi ngokungalunganga kodwa luthokoza ngesiminya. v. 7.

1 Tim 6: 6; Jobe 31:29; 1 Tim. 1: 5.

## **U.81. Kuyini na okwaliwa ngumlayo wetshumi?**

I. Umthetho wetshumi wala konke ukungeneliswa ngesiyikho khona,<sup>p</sup> lokuhawukela, lokucatshulwa ngokuhle kukamakhelwane,<sup>q</sup> lezenzo lokufisa okubi ngezinto zikamakhelwane.<sup>r</sup>

*p* 1 Kor.10: 10 Lingasoli njengabanye babo basola, babhujiswa ngumbulali.

*q* Gal. 5: 26 Asingazikhukhumezi size siphikelane inkani sifiselane umona.

*r* Kol. 3: 5 Ngakho bhubhisani amalunga enu asemhlaben, ukuhlobonga lamanya lokukanuka okubi lokunxanela lokufisa okufanana lokukhonza izithombe.

Dute. 5: 21; 1 Kho. 21:4; Esta. 5: 13; Jak. 3: 14,16; Roma 7: 7; Roma 13: 9.

## **U.82. Ukhona na ongagcina imithetho kaNkulunkulu ngokupheleleyo?**

I. Akakho umuntu makhaza ongagcina imithetho kaNkulunkulu ngokupheleleyo ekule impilo,<sup>s</sup> kusukela ekuweni siyephula nsuku zonke ngemicabango<sup>t</sup>, ngamazwi,<sup>u</sup> langezenzo.<sup>w</sup>

*s* Tshu. 7: 20 Ngeqiniso akakho emhlaben olungileyo owenza ukulunga ongoniyo.

*t* Gen. 8: 21 Imicabango yenhliziyo zabantu mibi selokho bazalwayo.

*u* Jak. 3: 8 Kodwa ulimi alusoze luthanjiswe ngumuntu, luyibubi

- obungelakwahlula lugcwele ubuhlungu obubulalayo.
- w Jak. 3: 2 Ngokuba siyona sonke ezintweni ezinengi.  
1 Joha. 1:8,10; Gal. 5: 17; Gen. 6: 5; Roma 3: 9-21.

### **U.83. Iziphambeko zonke kiwo umthetho zizondeka ngokulinganayo na?**

I. Ezinye izono ngokwazo ngenxa yokuvama ebubini bazo, ziyanondeka ebusweni bukaNkulunkulu okwedlula ezinye.<sup>x</sup>

x Joha. 19:11 Ngakho-ke onginiukele kuwe ulesono esikhulu.

Hez. 8: 6,13,15; 1 Joha 5: 16; Hubo: 78:17, 32, 56.

### **U.84. Isono ngasinye sifaneleni na?**

I. Isono ngasinye sifanele ulaka lwesiqalekiso sikaNkulunkulu kule impilo lakuleyo ezayo.<sup>y</sup>

y Gal. 3: 10 Baqalekisiwe bonke abangemi njalo kikho okulotshiwego encwadini yomthetho bakwenze.

Mat. 25:41 Khona izakuthi kwabangakwesokhohlo: Sukani lina elithukiweyo liye emililweni ongapheliyo olungiselwe uSathane lezingilosи zakhe.

Efe. 5: 6; Lilo. 3: 39.

### **U.85. Kuyini na akufunayo kithi uNkulunkulu ukuze siphephe intukuthelo lesithuko sakhe esiqonde thina ngenxa yesono?**

I. Ukuze siphephe intukuthelo lesithuko sikaNkulunkulu esiqonde thina ngenxa yesono uNkulunkulu ufunu sibe lokholo kuye uJesu Kristu, siphendukele ekuphileni,<sup>z</sup> sisebenze ngokukhuthala zonke indlela ezangaphandle, okungazo uKristu usinika inzuzo zohlengo.<sup>a</sup>

z Seb. 20: 21 Ngiqinisa kumaJuda lakumaGriki ukuphenduka kuNkulunkulu lokukholwa eNkosini yethu uJesu Kristu.

a Zaga 2: 1 Ndodana yami uma wamukela amazwi ami, uyigcinisise imilayo yami. v. 2. Ukuze ubeke indlebe yakho ekuhlakanipheni uphendulele inhliziyo yakho ekuqonden. v. 3. Yebo-ke nxa ukhalela ingqondo uphakamisele ilizwi lakho ukwazisiza. v. 4. Nxa ufunu njengesiliva ukufunisisise njengenotho efihiweyo. v. 5. Khona

uzakubambisisa ukumesaba uJehova, uzakuzuza ukumazi uNkulunkulu.

## **U.86. Luyini ukholo kuye uJesu Kristu?**

I. Ukholo kuJesu Kristu ngumusa osindisayo <sup>b</sup>nxa simamukela <sup>c</sup>yena, seyame ngaye kuphela ukuze sizuze insindiso <sup>d</sup>njengoba simphiwa kilo ivangeli.<sup>e</sup>

- b* Heb.10:39 Kodwa thina ayisibo abahlehlayo baze babhujiswe, singabaholwayo kuze kusindiswe umphefumulo.
- c* Joha 1: 12 Kodwa labo abamamukelayo wabanika amandla okuba babe ngabantwana bakaNkulunkulu, labo abakholwa ibizweni lakhe.
- d* Fil. 3: 9 Ngificwe kuye ngingalakho ukulunga kwami okuya ngomthetho ngibe lalokho okuya ngokukholwa uKristu, ngitsho ukulunga okuvela kuNkulunkulu ngokukholwa.
- e* Isa. 33: 22 Ngokuba uJehova ungumgwebi wethu, uJehova ungumenzi wemithetho yethu. UJehova uyiNkosi yethu uzasisindisa yena. Isa 26: 3, 4; Gal. 2:16.

## **U.87. Kuyini na ukuphendukela kukho ukuphila?**

I. Ukuphendukela kukho ukuphila kuyisia esisindisayo <sup>f</sup>lapho isoni, ngokuqedisisa okuqotho ngesono saso<sup>g</sup> njalo ngokuqedisisa isisa lesihawu sikaNkulunkulu esikuKristu, <sup>h</sup>sithi, ngokudabuka langenzondo yesono saso, siphenduke kuso, siphendukele kuNkulunkulu<sup>i</sup> sizimisele ukuzama ukulalela okutsha.<sup>k</sup>

- f* Seb. 11: 18 UNkulunkulu unike labezizwe ukuphendukela ekuphileni.
- g* Seb. 2: 37 Sebekuzwile bahlabeka enhliziyweni bathi kuPetro lakwabanye abaPostoli, madoda, bazalwane, sizakwenze njani? v. 38.
- h* Jow. 2: 13 Lidabule inhlizyo yenu hatshi izingubo zenu liphendukele kuJehova uNkulunkulu wenu ngoba yena olomusa, umnene, uphuza ukuthukuthela ulesihawu esikhulu, uhawukela lomubi.
- t* Jer. 31: 18 Ngibuyise ukuze ngibuye ngokuba wena unguJehova uNkulunkulu wami. v. 19. Ngeqiniso lapho sengibuyisiwe ngazisela lalapho ngifundisiwe ngatshaya ithangazi ngilenhloni yebo ngayangeka, ngokuba ngathwala ihlazo lobutsha bami.
- k* Hubo 119:59 Ngizindla ngezindlela zami, ngizaqondisa izinyawo zami ebufakazini bakho.

Jer. 3: 22; Hez. 36: 31; 2 Kor. 7: 11; Isa 1: 16,17.

## **U.88. Yiziphi na izindlela ezibonakalayo uKristu asazisa ngazo thina inzuzo zohlengo?**

I. Izindlela ezejwayelekileyo uKristu asazisa ngaso inzuzo zohlengo yizimiso zakhe, ikakhulu ilizwi lakhe, lamasakamente, lomthandazo<sup>l</sup>; zonke ezenziwe zaphumelela kwabakhethelwe usindiso.

*l* Seb. 2: 41 Ngakho abalamukelayo ilizwi lakhe ngokuthokoza babhabhathizwa . . .

## **U.89. Ilizwi lenziwa njani liphumelele kusindiso?**

I. UMoya kaNkulunkulu wenza ukufundwa, kodwa ika-khulu ukutshumayelwa kwelizwi, kube yindlela ephumelelayo yokuqinisekisa lokuphendula izoni, <sup>m</sup>"lokuzakha ebungcweleni lokududuza, <sup>n</sup>"ngokholo kulo usindiso.<sup>o</sup>

*m* Hubo.19:7 Umthetho kaJehova uphelele ubuyisa umphefumlo, izimemezelo zikaJehova ziqinisile zihlakaniphisa ongelawazi. v. 8.

*n* 1 Tes. 1 : 6 Lani laba ngabalingisi bethu leNkosi, selilamukele ilizwi ekuhluphekeni okuhulu lentokozo kaMoya oNgewe.

*o* Roma 1: 16 Angilamahloni ngevangelii ngoba lingamandla kaNkulunkulu okusindisa bonke abakholwayo.

Neh. 8: 8; 1 Kor. 14: 24, 25; Seb. 26: 18; Seb. 20: 32; Roma 10: 13-17.

## **U.90. Lingafundwa njani lizwiwe ilizwi ukuze liphumelelise usindiso?**

I. Ukuze ilizwi liphumelele kulo usindiso kufanele sililalisise ngokuthula, <sup>p</sup>"lokulilungiselela, <sup>q</sup>"lokulithandazela, <sup>r</sup>"silamukele ngokholo, <sup>s</sup>"langothando, <sup>t</sup>"silingcine enhliziyweni zethu, <sup>u</sup>"njalo silisebenzise empilweni yethu.<sup>w</sup>

*p* Zaga 8:34 Ubusisiwe ongizwayo elinda imihla ngemihla ngasemasangweni ami aqaphele ngasensikeni zezivalo zami.

*q* 1 Pet. 2:1 Ngakho lahlani okubi konke lobuqili bonke lokuhleba konke v. 2. Njengezingane ezisandakuzalwa, fisani uchago oluhle lwezwi ukuze likhule ngalo.

- r Hubo. 119: 18 Ngivula amehlo ami ngibone okumangalisayo okuvela emthethweni wakho.
  - s Heb. 4: 2 Kodwa ilizwi abalizwayo kalibasizanga bona lingahlanganiswanga lokukholwa kwabalizwayo.
  - t 2 Tes. 2:10 Ngokuba bengamukelanga uthando Iweqiniso ukuze basindiswe.
  - u Hubo. 119: 11 Ilizwi lakho ngilifihlile enhliziyeweni yami ukuze ngingaze ngakona.
  - w Jak. 1: 25 Kodwa obukayo emthethweni opheleleyo wokukhulula onamathele kiwo ongezwa ngendlebe nje akholwe, kodwa osebenza umsebenzi, nguye ozabusisa emisebenzini yakhe.
- Luke 8: 15.

## **U.91. Yikuthi amasakramento abangwa yini ukuze aphumelelise usindiso?**

I. Amasakramento enza ukuphumelela kosindiso, hatshi ngobuhle bawo kumbe obalowo owamukelisayo,<sup>x</sup> kodwa kuphela ngenxa yokubusisa nguKristu, lokusebenza ko-Moya wakhe kibo abathi ngokholo bawamukele.<sup>y</sup>

<sup>x</sup> 1 Kor. 3: 7 Njalo ohlanyelayo kalutho lonethisayo kalutho kodwa uNkulunkulu omilisileyo. v. 6.

<sup>y</sup> 1 Pet 3: 21 Ngokulinganisa ngitsho ukubhaphathizwa angitsho ukususa insila yenysama ngitsho ukuvuma kwenhliziyo elungileyo kuNkulunkulu ngokuvuka kaJesu Kristu.

Mat. 3: 11; 1 Kor. 12: 13.

## **U.92. Liyini isakramento?**

I. Isakramento yisimiso esingcwele esamiswa nguKristu, okukuso ngezibonakaliso eziqedisiswayo, uKristu lenzozo zesivumelwano esitsha zimelwa, <sup>z</sup>zinamathelelisa njalo zifikwa emakholweni.<sup>a</sup>

<sup>z</sup> Gen. 17: 10 Lesi siyisivumelwano sami phakathi kwami lawe lenzalo yakho emva kwakho elizasigcina; bazasokwa bonke abesilisa bakini.

<sup>a</sup> Roma 4:11 Wazuza uphawu lokusoka, oluyibufakazi bokulunga okungokukholwa ayelakho engakasoki.

1 Kor. 11: 23, 26.

### **U.93. Yiwaphi amasakramente eThestamente elitsha?**

I. Amasakramente eThestamente elitsha yila: ubhaphathizo<sup>b</sup>, lesidlo seNkosi.<sup>c</sup>

*b* Mark. 16: 16 Okholwayo abhaphathizwe uzasindiswa.

*c* 1 Kor. 11: 23 Ngokuba ngakwamukela eNkosini lokho engilinika khona, kokuthi iNkosi uJesu, ngalobobusuku eyanikelwa ngabo yathatha isinkwa . . .

Mat 28:19; Mat. 26: 26-28.

### **U.94. Luyini ubhaphathizo?**

I. Ubhaphathizo lisakramente, okukulo ukugezwa ngamanzi ebizweni likaYise leleNdodana lelikaMoya oyiNgcwele<sup>d</sup>, kutshengisa, njalo kunamatheisa ukugxila kwethu kuKristu singeniswa kuzo inzupo zesivumelwano sesisa<sup>e</sup>, elokuba sibe ngabeNkosi.<sup>f</sup>

*d* Mat 28: 19 Ngalokho hambani lifundise izizwe zonke libabhaphathize ebizweni likaYise leleNdodana lelikaMoya oyiNgcwele.

*e* Roma 6: 3 Kumbe kalazi yini ukuthi sonke esabhaphathizelwa kuKristu Jesu sabhaphathizelwa kukho ukufa kwakhe na?

*f* Roma 6: 4 Ngakho sembelwa laye ngokubhaphathizelwa kukho ukufa ukuze njengalokhu uKristu wavuswa kwabafileyo ngenkazimulo kaYise, kunjalo lathi sihambe ekuphileni okutsha.

### **U.95. Ngobani na abafanele ukwemukeliswa ubhaphathizo?**

I. Ubhaphathizo alwemukeliswa abangaphandle kwebandla, ngaphandle kokuba bavume obala ukholo kuKristu, lokumlalela,<sup>g</sup> kodwa insane zalabo abangamalunga ebandla ziyanbhaphathizwa.<sup>h</sup>

*g* Seb. 2: 41 Ngakho-ke abalamkeleyo ilizwi lakhe babhaphathizwe.

*h* Gen. 17:7 Ngizakumisa isivumelwano sami phakathi kwami lawe lenzalo yakho emva kwakho, ezizukulwaneni zakho sibe yisivumelwano esingayikuphela, ngibe nguNkulunkulu wakho lowenzalo yakho emva kwakho. v. 10. Yilesi isivumelwano sami phakathi kwami lawe lenzalo yakho emva kwakho elizasigcina ukuthi bazasokwa bonke abesilisa bakini.

Seb. 2: 38 UPetro wasesithi: Phendukani yilowo abhaphathizwe egameni likaJesu Kristu kikho ukuthethelelwa kwezono zenu khona lizakwamukeliswa isipho sikaMoya oyiNgcwele. v. 39. Ngokuba isithembiso ngesenu lesabantwana benu lesabo bonke abakhatshana, bonke iNkosi uNkulunkulu ezababiza.

Seb. 8: 36, 37; Kol. 2: 11, 12; 1 Kor. 7: 14.

## **U.96. Siyini na isidlo seNkosi?**

I. Isidlo seNkosi silisakramente, lapho ngokunikwa langokwemukelwa kwesinkwa lewayini njengokumisa kuka-Kristu, kutshengiswa obala ukufa kwakhe; abemukela ngo-kufaneleyo kabakwenzi ngokwesimo senyama, kodwa ngokholo benziwa abemukeli bomzimba legazi lakhe, lazo zonke inzupo ukuze bondleke emoyeni bakhule emuseni.<sup>k</sup>

- i Luka 22: 19 Wasethatha isinkwa wabonga, wasihlephula wabanika wathi: Lokhu kungumzimba wami owanikelelwa lina. Yenzani lokhu ukuze lingikhumbule. v. 20 Kanjalo-ke lesitsha emuva kokudla, ethi: Lesisitha siyisivumelwano esitsha egazini lami elithululelwa lina.
- k 1 Kor. 10: 16 Isitsha sesibusiso esisibusayo asiyiyo inhlanganyelo yegazi likaKristu na? Isinkwa esisihlephulayo asiyiyo inhlanganyelo yomzimba kaKristu na?  
1 Kor. 11: 23-26.

## **U.97. Kuyini na okufunekayo kukho ukwamukela okufaneleyo kwesidlo seNkosi?**

I. Kulabo abazakwamukela isidlo seNkosi ngokufaneleyo, kudingeka bazihlolle ulwazi lwabo ukuze behlukanise umzimba weNkosi, <sup>l</sup>lokholo lwabo ekondlekeni kuye, <sup>m</sup>lophenduko <sup>n</sup>lothando lokulalela okutsha, <sup>o</sup>Phlezi beze ngokungafanele bazidlele njalo bazinathele ukugwetshwa kwabo.<sup>q</sup>

- l 1 Kor. 11: 28 Kodwa umuntu akazihlolise khona-ke ezakudla lesisinkwa anathe kulesisitsha. v. 29. Ngoba odlayo, anathe, uzidlela, azinathele icala nxa engawehlukanisi umzimba weNkosi.
- m 2 Kor. 13: 5 Zihloleni lina libone ukuthi lisekukholweni yini.
- n 1 Kor. 11: 18 Nxa libuthana ebandleni ngizwa ukuthi kukhona ukwehlukana phakathi kwenu. v. 20. Ngakho-ke nxa libuthana

ndawonye aysisikho ukudla isidlo seNkosi lokho.

- p 1 Kor. 5: 8 Njalo asigcine umhlangano, singabi lamvubelo endala, lamvubelo yokuzonda leyokona, sibe lesinkwa esingelamvubelo sobuqotho leqiniso.
- q 1 Kor. 11: 27 Ngakho-ke lowo odla lesisinkwa, anathe lesisitsha seNkosi ngokungafanelanga ulecal a lomzimba legazi leNkosi.  
1 Kor. 11: 31; 1 Kor. 10: 16, 17.

## **U.98. Kuyini umthandazo?**

I. Umthandazo uyikunikela izifiso zethu kuNkulunkulu, <sup>r</sup>ze-zinto ezivumelana lentando yakhe, <sup>s</sup>ngebizo likaKristu, <sup>t</sup>si-vuma izono zethu, <sup>u</sup>silokwazisa ngokubonga izipho zakhe.<sup>w</sup>

- r Hubo. 62: 8 Thembani kuye ngezikathathi zonke lina bantu, lithulule inhlizyo zenu phambi kwakhe; uNkulunkulu uysiphephelo sethu.
- s Roma 8: 27 Kodwa yena ohlola izinhlizyo uyakwazi okuyingqondo kaMoya, ngokuba ukhulumela abangcwele ngokwentando kaNkulunkulu.
- t Joha. 16: 23 Lokhu elizakucela kuBaba egameni lami uzalinika khona.
- u Dan. 9: 4 Ngakhuleka kuJehova uNkulunkulu wami, ngavuma izono zami.
- w Fil. 4: 6 Lingakhathazeki ngalutho, khepha kukho konke, izicelo zenu kazaziwe nguNkulunkulu ngokukhuleka lokunxusa kanye lokubonga.  
1 Joha. 5: 14; Hubo. 32: 5, 6.

## **U.99. Yisiphi na isimiso uNkulunkulu asinike sona ukuba sisilandele emthandazweni?**

I. Lonke ilizwi likaNkulunkulu lilusizo lokusikhokhela emthandazweni, <sup>x</sup>kodwa isimiso esikhethekileyo sokusikhokhela ngumthandazo kaKristu awufundisa abafundi bakhe, obizwa ngokuthi: "Umthandazo weNkosi".<sup>y</sup>

- x 1 Joha. 5: 14 Yilesi isibindi esilaso kuye esokuthi nxa sicela ulutho ngokwentando yakhe uyasizwa.
- y Mat. 6: 9 Ngakho-ke libokhuleka kanje, lithi: Baba wethu osezulwini, malihlonitshwe igama lakho . . .  
Luka 11: 2-4.

## **U.100. Isandulelo somthandazo weNkosi sisifundisani na?**

I. Isandulelo somthandazo weNkosi, esiyilesi, “Baba wethu osezulwini”, sisifundisa ukusondela kuNkulunkulu sihlonipha konke okuyingcwele, silethemba,<sup>z</sup> njengabantwana kuyise,<sup>a</sup> olakho njalo ekulungele ukusisiza,<sup>b</sup> sizithandazele thina njalo labanye.<sup>c</sup>

*z Isa. 64: 9 Ungathukutheli kakhulu Jehova ungakhumbuli njalo ububi. Bheka mawubone ukuthi sonke singabantu bakho.*

*a Luka 11: 13 Ngakho-ke nxa lina elingababi likwazi ukubapha abantwana benu izipho ezinhle, kakhulu kangakanani uYihlo osezulwini uzakubapha abacela kuye uMoya oyiNgcwele.*

*b Roma 8: 15 Ngoba kalamukeliswa umoya wobuqili ukuba libuye lesabe, kodwa lamukeliswe uMoya wobuntwana esimemeza ngaye sithi: Aba, Baba!*

*Efe. 6: 18 Ngokukhuleka konke lokunxusa likhuleke ngezikkhathi zonke ngoMoya, khulekani lilinde ngesineke sonke langokunxusela abayingcwele bonke.*

*Mat. 6: 9; Seb. 12: 5; 1 Tim. 2: 1, 2.*

## **U.101. Kuyini na esikukhulekelayo kuso isicelo sokuqala?**

I. Kuso isicelo sokuqala, esiyilesi, “Malihtonitshwe igama lakho,” sikhulekela ukuba uNkulunkulu asenze thina, labanye simdumise kukho konke akwenzileyo ukuba aziwe<sup>d</sup> ngakho, lokuba zonke izinto zimiselwe udumo lwakhe.<sup>e</sup>

*d Hubo. 67: 1 UNkulunkulu kabe lomusa kithina asibusise, makakhanyise ubuso bakhe phezu kwethu. v. 2. Ukuze indlela yakho yaziwe emhlaben, insindiso yakho kubo bonke abezizwe. v. 3. Abantu mabakubonge, Nkulunkulu, mabakubonge abantu bonke.*

*e Roma 11: 36 Ngokuba konke kuvela kuye, kukhona ngaye, kuya kuye, akubekuye inkazimulo kuze kube phakade Ameni. Mat. 6: 9.*

## **U.102. Kuyini na esikuthandazela kuso isicelo sesibili?**

I. Kuso isicelo sesibili esiyilesi “Mawuze umbuso wakho” sithandazela ukuthi umbuso kaSathane uchithwe<sup>f</sup>, ukuthi

umbuso womusa wande,<sup>g</sup> thina labanye singeniswe kuwo, sigcinwe kuwo,<sup>h</sup> ukuba umbuso wodumo uphangise ufiike.<sup>i</sup>

<sup>f</sup> Hubo. 61: 1 Makavuke uNkulunkulu azihlakaze izitha zakhe, abamzondayo babaleke phambi kwakhe. v. 18.

<sup>g</sup> Hubo. 51:18 Yenzele iZiyoni okuhle ngokomusa wakho uyakhe imiduli yaseJerusalem.

<sup>h</sup> 2 Tes. 3: 1 Elokucina sikhulekeleni ukuba ilizwi leNkosi likhawuleze, lidunyiswe, njengalokhu kunjalo lakini.

Roma 10: 1 Bazalwane, ukulangazela kwenhliziyo yami lokukhuleka kwami kuNkulunkulu ngoIsrayeli kuyikuba basindiswe.

<sup>i</sup> Isam. 22: 20 Ofakaza ngalezi izinto uthi: Yebo ngyeza masinyane, Ameni. Woza Nkosi Jesu!

Isam. 12: 10, 11; Joha. 17: 9, 20.

### **U.103. Kuyini na esikuthandazela esicelweni sesithathu?**

I. Kuso isicelo sesithathu esiyilesi “Mayenziwe intando yakho emhlabeni njengasezulwini” sithandazela ukuthi uNkulunkulu ngaso isisa sakhe asenze sibe lakho njalo sithande ukwazi, ukulalela,<sup>k</sup> sithobele intando yakhe kuzo zonke izinto,<sup>l</sup> njengezingelosi ezikwenza ezulwini.<sup>m</sup>

<sup>k</sup> Hubo. 119: 34 Ngipha ingqondo ukuze ngiqaphele umthetho wakho ngiwugcine ngenhliziyo yami yonke. v. 35. Ngihambise endleleni yemilayo yakho ngoba ngiyathokoza ngayo. v. 36. Thobisela inhliziyo yami ebufakazini bakho.

<sup>l</sup> Seb. 21:14 Kwathi engancengeki, sathula sathi: Kayenziwe intando yeNkosi.

<sup>m</sup> Hubo. 103: 20 Bongani uJehova lina zingelosi zakhe, lina maqhawe alamandla elenza okwelizwi lakhe lilalela ukukhuluma kwelizwi lakhe. v. 22. Bongani uJehova lina misebenzi yakhe yonke ezindaweni zonke zombuso wakhe; mbonge uJehova, mphefumulo wami.

Mat. 6: 10; Mat. 26: 39; 2 Sam. 15: 25; Jobe 1: 21.

### **U.104. Kuyini esikuthandazela kuso isicelo sesine?**

I. Kuso isicelo sesine esiyilesi “Usiphe lamuhla isinkwa sethu semihla ngemihla” sithandazela ukuthi kuso isipho sikaNkulunkulu esingathengwayo, semukele okwaneleyo

kwezinto ezinhle zale impilo,<sup>n</sup> sijabule ngezibusiso zakhe kuzo.<sup>o</sup>

*n* Zaga. 30: 8 Dedisela khatshana lami okuyize lamanga, unganginiki ubumpofu lengebo kodwa ngipha isinkwa engisimiselweyo. v. 9.

*o* Hubo. 90: 17 Yebo, ubuhle beNkosi uNkulunkulu wethu kabube phezu kwethu, yebo umsebenzi wezandla zethu uwuqinise.

Mat. 6: 11; Gen. 28: 20; 1 Tim. 4: 4, 5.

### **U.105. Kuyini esikuthandazelayo kuso isicelo sesihlanu?**

I. Kuso isicelo sesihlanu esiyilesi, “Usithethelele amacala ethu, njengoba lathi sibathethelela abalecalala kithi”, sithandazelua ukuthi uNkulunkulu ngenxa kaKristu nje, asithethelele ngokukhululekileyo zonke izono zethu, <sup>p</sup>okuyikho esikuthazwa ukukucela ngoba ngomusa wakhe osenhliziyweni zethu senziwa sibathethelele abanye.<sup>q</sup>

*p* Hubo. 51: 1 Ngihawukele Nkulunkulu ngokomusa wakho; yesula iziphambeko zami ngokobubele bakho obukhulu.

*q* Mat. 6: 14 Ngokuba nxa lithethelela abantu izimpambeko zabo, loYihlo wasezulwini uzakulithethelela lani.

Mat. 6: 12; Hubo. 51: 2, 7, 9; Dan. 9: 17-19; Luka 11: 4; Mat.18: 35.

### **U.106. Kuyini na esikuthandazelayo kuso isicelo sesithupha?**

I. Kuso isicelo sesithupha, esiyikuthi: “Njalo ungasingenisi ekulingweni, kodwa usikhulule ebubini”, sithandazelua ukuthi uNkulunkulu angasigcina ekulingweni ukuthi singoni<sup>r</sup>, kumbe asisekele njalo asikhulule nxa silingwa.

*r* Mat. 6:13 Njalo ungasingenisi ekulingweni, kodwa usikhulule ebubini...

*s* Mat. 26:41 Lindani likhuleke, ukuze lingangeni ekulingweni; umoya uyavuma, kodwa inyama ibuthakathaka.

2 Kor. 12:7,8 futhi ukuze ngingaphakanyiswa kakhulukazi ngezembulo ezingajwayelekanga, nganikwa ameva enyameni, isithunywa sikaSathane, ukungidutshuza, ukuze ngingaziphakamisi kakhulukazi. v. 8 Ngalokho nganxusa iNkosi kathathu ukuze kusuke kimi.

Hubo 19:13; 51:10, 12.

## **U.107. Sisifundisani isiphetho somthandazo?**

I. Isiphetho somthandazo weNkosi, esiyilesi, “Ngokuba umbuso ungowakho, lamandla lobukhosи kuze kubе laphakade, Ameni”, sisifundisa ukuthi sithathe kuNkulunkulu kuperha<sup>t</sup> isibindi ekuthandazeni, lokuthi emithandazweni yethu sidumise yena, sinikele kuye umbuso lamandla lodumo.<sup>u</sup> Njalo ngobufakazi bezifiso zethu lokuqiniseka kokuba usizwile, sithi: Ameni.<sup>w</sup>

- t* Dan. 9: 18 Ngokuba asilethi ukunxusa kwethu phambi kwakho ngenxa yokulunga kwethu kodwa ngomusa wakho omkhulu. v.19. Nkosi, zwana; Nkosi thethelela; Nkosi lalela wenze, ungalibali, ngenxa yakho, Nkulunkulu wami.
- u* 1 Lan. 29: 11 Ngobakho Nkulunkulu ubukhulu lamandla, lodumo, lobukhosи, ngokuba konke ekusezulwini, lasemhlabeni kungokwakho.
- w* Isam. 22: 20 Amen! Woza Nkosi Jesu.  
Mat. 6: 13; Dan. 9: 4; 1 Kor. 14: 16.

## **UMTHANDAZO WENKOSI**

Baba wethu osezulwini

Kalihlonitshwe igama lakho

Kawuze umbuso wakho

Kayenziwe intando yakho emhlaben i njengasezulwini

Usiphe lamuhla isinkwa sethu semihla ngemihla

Usithethelele amacula ethu njengalokhu lathi sibathethelela  
abalamacula kithi

Ungasingenisi ekulingweni kodwa usikhulule kokubi

Ngokuba umbuso ungowakho lamandla lobukhos i kuze  
kube phakade. Ameni.

Mat. 6: 9-13.

## **ISIVUMO SOKHOLO**

Ngiyakhola kuNkulunkulu uYise uSomandla uMenzi  
wezulu lomhlaba, lakuJesu Kristu oyikuphela kweNdodana  
yakhe, eyiNkosi yethu, owamithwa ngokoMoya  
oyiNgcwele, wazalwa yintombi uMariya, wahlupheka  
ngaphansi kukaPonti Pilatu, wabethelwa, wafa,  
wangcwatshwa, wehlela eliben, wavuka kwabafleyo  
ngosuku Iwesithathu, wenyukela ezulwini, uhlezi  
ngokwesokunene sikaNkulunkulu uYise uSomandla, esuka  
lapho uzakuza ezogweba abaphilayo labafleyo.

Ngiyakhola kuMoya oyiNgcwele, ibandla eliyingcwele  
lamaKristu, ubudlelwano babayingcwele, ukuthethelela  
kwezono, uvuko lomzimba ekufeni, njalo lempilo  
engapheliyo. Ameni.

## **UMTHANDAZO PHAMBI KOKUDLA**

Nkulunkulu olomusa, sonile kuwe, kasisifanelanga isihawu sakho, sixolele izono zethu, ubusise lokhukudla esizakudla, usincede ukuba sidle sinathele udumo Iwakho, ngenxa kaKristu. Ameni.

## **UMTHANDAZO EMVA KOKUDLA**

Nkulunkulu obusisekileyo, kuwe siyaphila, siyahamba, sikhona; senze sibonge ukudla osiphe khona njengalokhu siphila ngobongameli bakho; sisize siphilele udumo Iwakho, sikhangele silindele impilo engcono sesilawe phezulu; ngaye uJesu Kristu iNkosi yethu. Ameni.





